

5. maj 2014

UPA 2014/101  
Lars Mathæussen

**Tupat puuini tamani 1. juni 2015-imiit mianersoqqussutinik assitalersuisoqartaler-nissaa suliareqqullugu Naalakkersuisut peqquneqarnissaannik Inatsisartut aaliangiiffigisassaattut siunnersuut.**

**(Inatsisartunut ilaasorta q Kristian Jeremiassen, Siumut)**

Tupat puuisa mianersoqqussutinik assitalersorneqarnissaat pillugu Kristian Jerimiassen-ip Siumumeersup siunnersuutaa pillugu Siumumiik ima oqaaseqassaagut.

Siullermik oqaluuserisassanngortitsisoq Siumumiik qutsavigissavarput inuiaqatigiit peqqis-suunissaannut kissaatigisaqartuunera pillugu.

Nunatsinni innuttaasut imminnut ulorianartorsiortillutik tupamik atuisartut inuiaat ikitsunnguit 66 %-iisa tupa atugaraat, tamannalu Naalakkersuisuniik eqqummaariffigineqarluni iliuuseqarfigniarneqarnera Siumumiik ilalerparput nuannaarutigalugulu.

Aammattaaq nunatsinni inuit Napparsimmaveqarfinnut tupa pisuuluni aningaasartuutit qaffasissorujussuunerat Naalakkersuisut akissumminni taasaqarnerat taperserparput, qanorlu iliuuseqarfigniarneqarnera pissusissamisoortuusoq Siumumiik isumaqarfigaarput.

Oqaluuserisassanngortitsisup nassuiaatai assit atorlugit qanoq iliuuseqaqqusineq allasimasuinnarnik sunniinerusinnaanera pitsaanerussasoq upperaarput, qujassutigeqqil-lugulu.

Naggataatigut Naalakkersuisut siunniussimasaat 2015-mi januar aallaqqaataaniit iliuuse-qartoqassasoq nuannaarutigalugu siunnersuut Siumumiik itigartipparput, iliuuseqartoqale-reernera pissutigalugu.